

**SCIPIONI  
BURGHESIO S.R.E.  
CARDINALI  
POENITENTIARIO,  
MAGNI AUUNCULI...**

---

Ferrante Carlo Gianfattori, Valenti  
Gonzaga



*Imprimatur si videbitur Reuerendis. P. Magist. Sac. Palat.  
Apostol.*

*P. Episc. de Curte Vicefg.*

*Imprimatur .*

*Fr. Ignatius Ciantes Romanus Lector , & Reuerendissi-  
mi P. F. Hyacinthi Petronij Rom. Sac. Apost. Pal.  
Mag. Socius , Ord. Præd.*

S E R M O  
DE DEO TRINO.

E T V N O.

A D


P A V L V M V.

PONT. OPT. MAX.

IN SACELLO QVIRINALI

A FERDINANDO CAROLO

H A B I T V S.



E V M, quem vniuersi natura prædicat vnum, trinum etiam eximio diuinæ largitatis munere (Beatissime Pater) agnoscimus, & veneramur. Qui enim soli sibi notus fuerat in omni æternitate Deus, is præfinita in plenitudine temporum mortalem naturam in æternæ diuinitatis vnionem assumens, & versatus cum filiis hominum summæ Deitatis arcanum tunc patefecit, cum præcepit vt gentes omnes in Patris,

A 2 &

& Filij, & Spiritus in eî nomîne, salutati fonte proluerentur. Quo in vno quàm multa, quàm magna referantur arcana mysterio? siue enim ad Patrem illum me conuertam, à quo, & pater, & nominatur omnis in celo, & in terra pater. & ; siue Filium intuear, veram illius substantiæ imaginem, & claritatis æternæ figuram; siue in Spiritum sanctum; vberem illum amorem, quo Pater, & Filius se inuicem infinitè diligunt; mentis aciem defigam; hæreo tantarum obrutus rerum pondere, & copia. Audio nomen vnum in quo sacra nostra vnda perfundat non plura; plures tamen in quarum nomine abluamur, proponuntur personæ, non vna. Sublimis namquæ illa, excellensquæ Natura, cuius numine sumus, in cuius nomine saluamur, & fide, in trina hypostasi, vna, & tota subsistit. Cum enim Deus sit mens simplicissima, se ipsum in æternitate impermutabili semper intelligit, ideoq. notitiam, & imaginem sui absolutissimam semper concipit, & generat; quam iure meritò Dei Filium dicimus, quia per opus Diuini intellectus illa, præstans imago, non vt simulacrum in speculo; sed viuens à viuente coniuncto principio procedit, non modo in eiusdem naturæ similitudinem, sed in eiusdem substantiæ vnitatem. Quæ quidem viuens imago viuentem, omni ex parte cum referat Patrem, illum suauissimè allicit in amorem sui, mutuoquæ illius amore exardescit; sicquæ cum ipso Patre producit Amorem illum infinitum, qui non est habitus, non est aliqua diuinæ mentis affectio, sed ipsa mens diuina, diuina ipsa natura in illo amore infinito subsistens, vnus idem cum Patre, vnus idem



idem cum Filio Deus, quem Spiritum rectè vocamus, cum sit diuinæ voluntatis impulsus. Trinus igitur & vnus ita nobis monstratur Deus, cum plures in natura diuina sint hypostases, ipsæ indiuisa permanear, & nulla sit in vnitatem confusio, sit in pluralitate diuersitas; pluribus enim personis Deitas ipsa conueniens, nihil in admiranda illa pluralitate & constituit in Deo mistum, vel à Deo separatum. Alius namque, aliud à Patre, à quo solus ante omne tempus est ineffabilis, ratione progenitus, & alius ab utroque Spiritus, à quibus tamquam ab vno spirante principio procedit, Trinitatem illam vnā constituunt, & trinam vnitatem beatissimam, nulla solitudine conclusam, sed triumphantem in vno, perfectissimoque trium personarum consortio. In quo ita eminet ordo pulcherri-  
 mus, nullus ut ibi possit excogitari naturæ gradus, nulla præcessio temporis, dissimilitudo nulla dignitatis; & cum Pater, & Filius sint in altero, Spiritus verò sanctus in utroque, eadem tamen Patris, aut Filij, aut Spiritus sancti persona esse non valeat, cætera tamen omnia; præter originem, atque processum, & quæcumque comparisonem quandam præ se ferunt; in ipsa natura diuina non modo paria, sed eadem esse omnino reperiantur. Præter principium sine principio, fons, & origo totius Deitatis, neque tamen Filio, aut Spiritu sancto prior tempore, aut virtute potior; Filius ipse principium ex principio, lumen, verbum Patris, neque tamē Patris æternitate, vel præstantia posterior, aut minor, ideoque par, & æqualis Patri, illique sine vlla permixtione coniunctissimus, Spiritus sanctus amor, ignis, & donum ab utroque procedens; neu-  
 tri

tri tamen vel tempore, vel dignitate concedens, ita viri-  
 que intimus, proinde unus existat Deus cum utroque.  
 Cum enim sit eadem voluntas, & essentia, Spi-  
 ritus etiam sanctus est eadem cum Patre, Filioque  
 Deitas, & substantia. Tres sint immensitate, æter-  
 nitate, tres eadem virtute pares, immensus tamen rerum  
 Creator, æternus, omnipotens Vniuersi molitor est  
 vnus, qui continens vniuersa non continetur, excedens  
 non excluditur; qui, cum sit vnitas, & numerus, vnum, &  
 omnia, & in seipso, & omnium, & ante omnia, nulla crea-  
 rarum similitudine rerum appositè satis exprimitur,  
 nullis scripturarum figuris apertè declaratur; cuius expli-  
 cando nomini, quod est admirabile, par nulla reperiri  
 potest mortalis oratio, cuius à summo cælo egreden-  
 tis, & super ventorum pennas ambulantis vestigia, sensus  
 omnis explorare se posse desperat; cuius lumen clara nu-  
 be, & flammanti caligine circumseptum imbecilla mor-  
 talis cogitationis acies perferre, aut angelicæ mentis  
 oculus, nisi lumine gloriæ suffultus, non valet attingere.  
 O miram igitur diuinæ charitatis munificentiam, homi-  
 num linguis, & Angelorum perpetuò prædicandam,  
 quæ stultam gentium doctrinam arcens à suorum con-  
 templatione magnalium, sapientiæ suæ vias; ipso diuino  
 docente verbo; nobis aperuit; quæ diuitiarum suarum  
 thesauros effundens in Filios adoptionis, infantium  
 ora suas in laudes instruit; cum tamen solus seipsum in-  
 finitus Deus infinitum bonum comprehendens, suæ ip-  
 sius magnitudini, atque præstantiæ enarrandæ sufficiat,  
 ac prædicandæ; quæ nos in penitissimū inaccessæ lucis suæ  
 sinum